



Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 41. Burdaserii Cardinalis obitus.

[urn:nbn:de:hbz:466:1-67213](#)

Sæcul. XVI.

A.C. 1570.

§. XLI.

Burdaferii Cardinalis obitus.

*Clacon. t. 3.
pag. 928.
Aubery hist.
des Cardin.
Frixon Gal-
lia Purpu-
rata San-
marthan.
Gall. Chri-
stiana.*

Hoc anno quinque numerantur Cardinales vita functi, ex quibus primus erat Philibertus Babou de Burdaferiis, qui Romæ die quinta Januarii obiit, dum ibidem Legatione pro Galliarum Rege fungeretur. Hic tertio genitus erat Filius Philiberti Babou Burdaferii, qui Regi a secretis, Thesaurarius, Regii ærarii Praefectus, necnon apud Reginam Eleonoram rei dominiæ Curator erat, insuper regii Palati Magisterio, ac secretioris Consilium munere augebatur, demum vero Mariæ Gaudin nobili foeminæ ex eadem Burdaferiorum familia desponsatus obiit. Illius Filius Philibertus Cardinalis Anno Salutis nostræ millesimo quingentesimo decimo nono natus, perfecto literarum studio in Parisiensi Universitate Doctoratus laurea decoratus est, ac primo Engolismensis Episcopus, postea autem mortuo Jacobo ejus Fratre, necnon defuncto Cardinale Lenocurtio Anno Incarnationis Dominicae millesimo quingentesimo sexagesimo tertio Antifiodorensem Ecclesiam rexit, simulque fuit a sanctioribus consiliis Henrico II., qui miram hujus Viri in rebus gerendis dexteritatem admiratus ipsum

ipsum sub Pauli IV. Pontificatu Romam Sæcul. XVI.
 Legatum decernebat, quo etiam munere post Henrici II. obitum sub Francisco II. & Carolo IX. functus est, cuius etiam obsequiis Carolus tantopere sibi satisfactum censebat, ut Cardinalitatem purpuram pro eo a Pio IV. precatetur, quam etiam Anno post Christum natum millesimo quingentesimo sexagesimo ab eodem Papa obtinuit. Ceterum hic Cardinalis egregiam apud eundem Regem navabat operam, ut nationale Concilium præpediretur; tandem vero obiit Romæ sepultus in Ecclesia sancti Ludovici, ubi hodieum ejus monumentum, ac sepulcralis inscriptio visitur. Is idem dum Engolismensi Ecclesiæ præerat, per viginti ferme annos atrocia perpetratus est a Calvinistis, qui hanc Provinciam fæde devastantes universam Engolismensem ditionem suis crudelitatibus, qua late patet, emetiebantur: ipse vero, quantum poterat, suum gregem ab eorum erroribus ilæsum servabat.

§. XLII.

*Marci Antonii Amulii Cardinalis
fata.*

Alter erat Marcus Antonius Amulius *Ciacon. l. c.*
Anno Salutis nostræ millesimo quin- *pag. 924.*
gentesimo quinto ex illustri Venetorum *Aubery l. c.*
familia